



# Reglugerð um Íþróttamannanefnd ÍSí

## 1. Hlutverk

Hlutverk Íþróttamannanefndar ÍSí er að vera málsvari íþróttamanna í samskiptum við ÍSí.

## 2. Markmið

Nefndin skal:

- fjalla um málefni sem tengjast íþróttafólki og koma með tillögur til ÍSí
- gæta réttinda og hagsmuna íþróttafólks og koma með tillögur til ÍSí
- viðhalda sambandi við íþróttamannanefnd IOC, EOC og annarra landa
- taka til umræðu tillögur sem ÍSí sendir nefndinni til umsagnar og snúa að hagsmunum íþróttafólks á afreksstigi.

Íþróttamannanefnd skal hafa eftirfarandi verkefni og starfsemi að leiðarljósi:

- koma til skila álitum íþróttamanna á málefnum sem tengjast íþróttum
- tilkynna til ÍSí um mál sem upp kunna að koma í tengslum við þátttöku íþróttamanna í mismunandi keppnum skipulögðum af ÍSí og sambandsaðilum þeirra
- vera álitsgjafar um málefni íþróttamanna sem upp kunna að koma innan ÍSí
- stuðla að heilbrigðri ímynd og háttvísi íþróttamanna
- vera tengiliðir milli íþróttamanna og ÍSí
- kynna starf nefndarinnar fyrir íþróttafólki sérsambanda ÍSí
- hafa samráð við svið og nefndir innan ÍSí, ef við á.

## 3. Samsetning

Í Íþróttamannanefnd ÍSí skulu sitja fimm meðlimir. Samsetning hennar skal vera með eftirfarandi hætti:

- 2-3 meðlimir úr hópíþrótt
- 2-3 meðlimir úr einstaklingsíþrótt

Hvert sérsamband getur einungis átt einn fulltrúa í nefndinni á hverju starfstímabili nefndarinnar.

Önnur skilyrði um fulltrúa í nefndinni:

- verða að hafa náð 18 ára aldri
- hafa ekki fallið á lyfjaprófi
- iðka íþróttagrein innan ÍSí
- hafa keppt á hæsta stigi í fullorðinsflokki á Ólympíuleikum, Heimsmeistaramóti, Evrópumóti eða undankeppnum þeirra, eða sambærilegum mótum fyrir sitt sérsamband á síðastliðnum fjórum árum.
- a.m.k. einn meðlimur skal hafa tekið þátt á einum af síðustu þremur Ólympíuleikum, sumar- eða vetrarleikum
- nefndin skal skipuð íþróttafólki af báðum kynjum





- nefndin skal kosin af jafningjum
- formaður og varaformaður skulu valdir af nefndinni, eftir kjör hennar

#### 4. Kosningar

Kosningar til Íþróttanefndar ÍSÍ skulu fara fram á tveggja ára fresti á sérstökum kosningafundi sem Íþróttamannanefnd boðar til. Hvert sérsamband getur tilnefnt konu og karl sem uppfyllir þátttökuskilyrði sem fulltrúi sérsambandsins á kosningafundinn. Hvert sérsamband hefur tvö atkvæði á fundinum.

Kosning skal fara fram á sama ári og Íþróttaping ÍSÍ er haldið og skal niðurstaða liggja fyrir í tíma fyrir Íþróttaping.

Kjörtímabil nefndarinnar skal vera tvö ár, nema annað sé sérstaklega ákveðið. Hægt er að sækjast eftir endurkjöri ef nefndarmeðlimir hafa áhuga að sitja áfram í nefndinni og hefur stuðning viðkomandi sérsambands.

Tilkynna þarf framboð eigi síðar en viku fyrir auglýstan kosningafund Íþróttamannanefndar ÍSÍ.

#### 5. Réttindi íþróttamannanefndar innan Íþrótt- og Ólympíusambands Íslands

Samkvæmt lögum ÍSÍ á Íþróttamannanefnd ÍSÍ rétt á einum fulltrúa í framkvæmdastjórn ÍSÍ með full réttindi. Sá fulltrúi skal kosinn af Íþróttamannanefnd ÍSÍ og hljóta staðfestingu Íþróttapings ÍSÍ.

#### 6. Fundir

##### **Fundir nefndarinnar:**

Nefndin skal hittast a.m.k. tvisvar sinnum á ári.

Íþrótt- og Ólympíusamband Íslands ber ábyrgð á því að nefndin hafi tök á því að funda.

**Samþykkt af Íþróttamannanefnd 30. apríl 2019.**

**Staðfest af framkvæmdastjórn ÍSÍ 1. maí 2019.**

